

Serán responsables subsidiarios os administradores das sociedades e os síndicos, interventores e liquidadores de concursos, sociedades e entidades en xeral, nos supostos e co alcance que sinala o artigo 43 da Lei Xeral Tributaria.

#### **ARTIGO 5º.-BASE IMPOÑIBLE**

A determinación da contía a pagar se realizará mediante o sistema de cota fixa segundo as tarifas recollidas no artigo seguinte.

#### **ARTIGO 6º.-TARIFAS**

1.- PAVILLÓN POLIDEPORTIVO “A POBRA DE SAN XIAO”;

Empadroados: 6,18 € hora

Non empadroados: 12,36 € hora

2.- PANEIS PUBLICITARIOS, por m<sup>2</sup> de ocupación: 50,00 euros anuais.

3.- UTILIZACIÓN DE PISTA DE PÁDEL:

Empadroados: 6,00 € hora e media

Non empadroados: 12,00 € hora e media

Empadroados: 50,00 € cuota anual

Non empadroados: 75,00 € cuota anual

Máximo de persoas por partido: 4

#### **ARTIGO 7º.- DEVENGO**

Devenga a Taxa e nace a obriga de contribuír dende o momento en que se accede á solicitude de reserva do uso das instalacións ás que se refire a presente ordenanza, e no momento da solicitude da autorización para a colocación de carteis.

#### **ARTIGO 8º.-NOMAS DE XESTIÓN**

A xestión e recadación da Taxa encomendase aos Servizos Municipais de Deportes facultando ao persoal que se designe para o cobro aos usuarios das instalacións.

Unha vez autorizada a utilización da instalación no momento de proceder ao acceso o Servizo Municipal de Deportes estendera as cartas de pago, boletos, tickets ou documentos que se estableza como xustificante de pago.

#### **ARTIGO 9º.-INFRACCIÓNS E SANCIÓN TRIBUTARIAS.**

Para a cualificación das infraccións tributarias, así como das sancións que ás mesmas correspondan en cada caso, será ao disposto nos artigos 178 e seguintes de Lei Xeral Tributaria.

#### **DISPOSICIÓN FINAL**

A presente ordenanza entrará en vigor unha vez publicada no Boletín Oficial da Provincia de Lugo, sendo de aplicación a partir do 1 de xaneiro do 2017, permanecendo vixente ata a súa expresa modificación ou derogación”.

A Pobra de San Xiao (Láncara), 21 de decembro de 2016.- O alcalde, Darío A. Piñeiro López

R. 3897

---

### *Anuncio*

#### **INFORMACIÓN PÚBLICA**

O Pleno do Concello de Láncara en sesión ordinaria realizada o 2/11/2016 acordou aprobar inicialmente a modificación da Ordenanza fiscal n.º 11 reguladora da taxa por ocupación de terreos de uso público con mesas, cadeiras e outros elementos análogos con finalidade lucrativa. O citado acordo foi exposto ó público polo prazo de 30 días hábiles mediante anuncio publicado no BOP de Lugo de 05/11/2016 sen que durante ese prazo se presentase reclamación algunha, polo que se entende definitivo o acordo inicialmente adoptado co texto que se transcribe:

**“ORDENANZA FISCAL Nº 11 TAXA POR OCUPACIÓN DE TERREOS DE USO PÚBLICO LOCAL CON MESAS, CADEIRAS E OUTROS ELEMENTOS ANÁLOGOS CON FINALIDADE LUCRATIVA.**

**Artigo 1. OBXECTO E AMBITO DE APLICACIÓN.**

De conformidade co que se prevé nos artigos 20 e seguintes e 57 do RD 2/2004, do 5 de marzo, polo que se aproba o texto refundido das disposicións legais vixentes en materia de facendas locais, establécese a taxa por ocupación de terreos de uso público con mesas, cadeiras e outros elementos análogos con finalidade lucrativa.

**Artigo 2. FEITO IMPOÑIBLE.**

Constitúe o feito impoñible desta taxa o aproveitamento das vías e terreos de uso público mediante a ocupación con mesas, cadeiras, veladores e calqueroutros elementos de natureza análoga, con finalidade lucrativa.

**Artigo 3. OBRIGA DE CONTRIBUÍR E DEVENGO.**

A obriga de contribuír nace pola simple existencia ou instalación na vía pública ou terreos de uso público de calquera dos elementos indicados no artigo 2, producíndose nos momentos seguintes:

- Cando se trate de concesións de novos aproveitamentos da vía pública, no momento de solicitar a correspondente licenza.
- Cando se trate de concesións de aproveitamentos xa autorizados e prorrogados, o devengo será periódico e coincidirá co ano natural e terá lugar o primeiro día do citado período impositivo.
- Para o caso de concesións de altas ou baixas que non coincidan co ano natural, a taxa prorratearase por trimestres naturais.

**Artigo 4. SUXEITO PASIVO.**

Son suxeitos pasivos desta taxa, en concepto de contribuíntes, as persoas físicas e xurídicas, así como as herdanzas xacentes, comunidades de bens e demais entidades que, carentes de personalidade xurídica, constitúan unha unidade económica ou un patrimonio separado susceptible de imposición, a cuxo favor se outorguen as licenzas, ou quen se beneficie do aproveitamento, se se procedeu sen a oportuna licenza.

**Artigo 5. SOLICITUDE DE AUTORIZACIÓN OU LICENZA.**

1. As persoas ou entidades interesadas na concesión de aproveitamentos regulados nesta ordenanza, deberán solicitar, previamente á correspondente licenza no concello con 15 días de antelación como mínimo, á posta en marcha da actividade, declarando a superficie do aproveitamento e os elementos que se van instalar (con inclusión da superficie necesaria para almacenaxe do mobiliario instalado), así como un plano detallado da superficie que se pretende ocupar, da súa situación dentro do municipio.

2. Os servizos técnicos deste Concello comprobarán e investigarán as declaracións formuladas polos interesados, concedéndose as autorizacións de non atopar diferenzas coa petición formulada. Se se desen diferenzas notificaránselles estas aos interesados e xiraranse, no seu caso, as liquidacións complementarias que procedan, concedéndose as autorizacións unha vez subsanadas as diferenzas polos interesados e, no seu caso, realizados os ingresos complementarios que procedan.

3. O órgano competente resolverá sobre as solicitudes formuladas tralo correspondente informe efectuado polos servizos deste Concello.

**Artigo 6. CONDICIÓNS DE EMPRAZAMENTO.**

As instalacións deberán cumprir as seguintes condicións:

**1. Xerais:**

-A colocación de veladores e parasois nas vías públicas deberá, en todo caso, respectar o uso común xeral preferente destas.

En consecuencia non suporá obstáculo para o tránsito peonil nin poderá prexudicar a seguridade deste ou do tráfico rodado.

-A autoridade municipal competente denegará a solicitude destas instalacións temporais en calquera dos seguintes supostos:

- Que non permita o paso aos peóns.
- Que supoña prexuízo para a seguridade viaria (diminución da visibilidade, distracción para o condutor) ou dificulte sensiblemente o tráfico peonil.
- Que poida incidir sobre a seguridade (evacuación) dos edificios e locais próximos.
- Que impida ou dificulte gravemente o uso de equipamentos ou mobiliarios urbanos (bancos, fontes, cabinas telefónicas, etc).

**2. En rúas:**

a) Unicamente se autorizará a colocación de veladores en emprazamentos inmediatos ou razoablemente próximos ao establecemento. Deberá quedar libre para o tránsito peonil en todo caso a metade de anchura da beirarrúa.

b) Como regra xeral, as terrazas situaranse no espazo da beirarrúa situado á fronte da fachada dos establecementos respectivos.

**Artigo 7. EFECTOS E NORMAS DE XESTIÓN.**

1. Non se consentirá a ocupación da vía pública ata que se teña aboado o importe da taxa e se obtivese a correspondente licenza polos interesados. O incumprimento deste mandado poderá dar lugar á anulación da licenza, sen prexuízo do pago da taxa e das sancións e recargas que procedan.

2. Unha vez autorizada a ocupación, entenderase prorrogada mentres non se acorde a súa anulación pola alcaldía ou se presente baixa polo interesado ou polos seus lexítimos representantes en caso de falecemento.

3. A presentación da baixa surtirá efectos a partir do día primeiro do trimestre seguinte á súa presentación.

Sexa cal sexa a causa que se alegue en contrario, a non presentación da baixa determinará a obriga de continuar aboando a taxa.

4. As autorizacións terán carácter persoal e non poderán ser cedidas ou subarrendadas a terceiros; o seu incumprimento dará lugar á anulación da licenza.

5. As variacións nos elementos obxecto da autorización (m<sup>2</sup> de ocupación, emprazamento, titularidade da explotación económica, etc) deberán ser comunicadas ao Concello no momento en que se produzan. Nos supostos de cambio de titularidade nas explotacións económicas entenderase que o novo titular se subroga nas condicións autorizadas na anterior, salvo que lle solicite ao Concello a súa modificación ou a baixa da autorización.

**Artigo 8. BASE IMPOÑIBLE.**

Para os efectos da presente ordenanza tomarase como base impoñible a superficie ocupada polos aproveitamentos expresada en metros cadrados, e entenderase, en xeral, por terraza, aquela zona de solo de dominio público, susceptible de aproveitamentos relacionados con actividades propias da hostalaría, mediante a colocación de mesas, cadeiras e outros elementos análogos, como zona de extensión ou ampliación da actividade que se exerce dentro dos ditos establecementos. As ditas instalacións terán, en todo caso, carácter anual.

**Artigo 9. CONTÍA E TARIFAS.**

1. A contía da taxa regulada nesta ordenanza será a fixada nas tarifas contidas no apartado seguinte, atendendo á superficie ocupada polos aproveitamentos expresada en metros cadrados e á categoría da rúa.

2. As tarifas da taxa serán:

|        |  |                                  |
|--------|--|----------------------------------|
| Tarifa | Tempada Verán (xullo, agosto e setembro) | Por cada mes fora dos anteriores |
|        | 3 €/m <sup>2</sup>                       | 0,40 €/m <sup>2</sup>            |

**Artigo 10. PERÍODO IMPOSITIVO, DEVENGO E COBRO**

O período impositivo coincide co ano natural, e o devengo, unha vez que sexa autorizada a licenza, será periódico e terá lugar dentro do segundo trimestre do citado período impositivo, agás nos supostos de alta ou baixa da instalación, en cuxo caso se prorrateará por trimestres naturais.

O cobro das taxas terá lugar dentro do segundo trimestre do período impositivo.

**Artigo 11. HORARIO.**

A instalación de terrazas quedará suxeita ao horario establecido de apertura que o establecemento teña autorizado segundo a súa categoría.

**Artigo 12. OBRIGAS DO TITULAR DA TERRAZA.**

1. Será obriga do titular da terraza:

a) Manter esta e cada un dos elementos que a forman nas debidas condicións de salubridade e seguridade.

b) Evitar ruídos e molestias aos veciños do entorno, dando bo uso á zona ocupada, ao ser responsable único desta.

c) Evitar invadir espazos non autorizados nas calzadas ou outras zonas de beirarrúas, pasos e accesos a edificios de vivendas ou establecementos.

d) Non se permite almacenar ou amorear produtos, caixas de bebidas ou outros materiais nas terrazas.

e) Os titulares das licenzas teñen a obriga de retirar e agrupar, ao termo de cada xornada, os elementos de mobiliario instalado e realizar as tarefas de limpeza necesarias do solo ocupado pola instalación.

f) Ao finalizar a vixencia da autorización, o titular ten a obriga de deixar libre o solo ocupado coa instalación, retirando todos os elementos e efectuando unha limpeza xeral.

2. A execución forzosa comportará a inhabilitación, por prazo de 1 ano, para sucesivas autorizacións.

#### DISPOSICIÓN FINAL

A presente ordenanza entrará en vigor unha vez publicada no Boletín Oficial da Provincia de Lugo, sendo de aplicación a partir do 1 de xaneiro do 2017, permanecendo vixente ata a súa expresa modificación ou derogación”.

A Pobra de San Xiao (Láncara), 21 de decembro de 2016.- O alcalde, Darío A. Piñeiro López

R. 3898

## LUGO

### Anuncio

A Xunta de Goberno Local en sesión celebrada o día 23 de novembro de 2016, aprobou a forma de adjudicación mediante procedemento aberto para a **CONTRATACIÓN DO SEGURO DE ACCIDENTES PARA AS PERSOAS ASISTENTES/PARTICIPANTES NAS ACTIVIDADES ORGANIZADAS POLOS SERVIZOS SOCIAIS DO CONCELLO DE LUGO.**

Por medio deste anuncio dáse a coñece-la licitación conforme as seguintes características:

#### 1.- Entidade adjudicadora.

a) **Organismo:** Excmo. Concello de Lugo.

b) **Dependencia que tramita o expediente:** Servizo de Contratación, Patrimonio e Fomento

#### c) Obtención de documentación e información:

1. **Dependencia:** Servizo de Contratación, Patrimonio e Fomento
2. **Domicilio:** Ronda da Muralla, 197.
3. **Localidade e C.P:** Lugo, 27002
4. **Teléfonos:** (982) 29-73-01, 29-71-45.
5. **Telefax:** (982) 29-72-59.
6. **Correo electrónico:** [www.contratación@concellodelugo.org](mailto:www.contratación@concellodelugo.org)
7. **Dirección internet:** [www.lugo.gal](http://www.lugo.gal) (Zona de servizos: perfil do contratante)
8. **Data límite de obtención de información:** Ata o remate do prazo de presentación de proposicións.
9. **Número de expediente:** 33-2016

#### 2.- Obxecto do contrato.

a) **Tipo de contrato:** privado

b) **Descrición:** A cobertura dun seguro de accidentes para todas as persoas asistentes e/ou partícipes nas actividades organizadas polos servizos sociais do Concello de Lugo.

c) **División por lotes:** Non

d) **Lugar de execución/entrega:** Concello de Lugo

e) **Prazo de duración/ Prazo de execución:** O prazo será de DOUS ANOS dende a formalización do contrato, sen ter en conta a data:01.08.2016 indicada no prego técnico sendo a data de formalización a válida a tódolos efectos).

f) **Admisión de prórroga:** Si. Dito prazo poderá prorrogarse por períodos máximos anuais ata un máximo de catro anos incluídas as prórrogas.

g) **Establemento de acordo marco:** Non

i) **CPV :** 66512100-3

#### 3.- Tramitación e procedemento:

a) **Tramitación:** ordinario

b) **Procedimiento:** aberto